

（欽定）廓爾喀紀畧

卷
三十四
三十五

欽定廟陶畧紀要

卷一

欽定廓爾喀紀畧卷三十四

六月十三日

庚辰

和琳奏言竊

臣

前奏乍丫察木

多類烏齊三處呼圖克圖地方所委管事商卓
忒巴或係年老殘疾或係少不更事貽誤軍需
應歸達賴喇嘛商同駐藏大臣驗放荷蒙

俞允令

臣

與達賴喇嘛商酌更換

臣

於前月抵藏卽

將乍丫等處情形告知達賴喇嘛濟隴呼圖克

圖等恐有違悞軍需商同暫委能事喇嘛二人
馳往類烏齊等處查看並一面飛飭總理道府
如商卓忒巴中有仍前怠玩者卽著此二人更
替署理接辦其乍丫之商卓忒巴兩目久已失
明未便任其戀棧聞該處有喇嘛丹巴爲番夷
素所心服適因公在藏傳令進見人甚明白隨
與達賴喇嘛議定給札令其往代商卓忒巴之

任其察木多類烏齊二處現在據報站牛雖未
安足尙不似先前停待計孫士毅目下將抵察
木多臣密札孫士毅就近查看該商卓忒巴等
如能改過急公尙堪予以自新之路如竟疲玩
性成難期振作自當遵

旨與達賴喇嘛議人更替臣昨見達賴喇嘛已將三

處呼圖克圖之商卓忒巴嗣後均令達賴喇嘛

金定厚爾喀紀略 卷三十四
與駐藏大臣驗放之

旨面爲宣示並與達賴喇嘛會銜行知各呼圖克圖
一體遵奉至噶布倫及管事喇嘛人等素因達
賴喇嘛約束失當而駐藏大臣又漫無可否以
致因循日久專擅自恣臣抵藏後謹遵面奉

諭旨隨處整頓事無大小皆令稟白遵行從前習氣
已改過半統俟大兵告竣後臣與福康安通盤

籌算妥定章程奏請

訓示永遠奉行奏入

上命軍機大臣傳諭孫士毅和琳鄂輝曰和琳奏前
奉諭旨管事商卓忒巴應令達賴喇嘛與駐藏大
臣驗放已向達賴喇嘛宣示等語所辦皆好惟當
益加奮勉實力整飭使向來積習日就肅清目今
大兵連次克捷已將濟隴收復乘勝直入一切軍

器糧餉等項關係緊要務須速行運至以應急需
昨據福康安等奏軍營火藥弓箭餉銀等項不能
待川省運來者應用須俟福康安在藏購辦之項
運到濟隴以資接濟等語大兵乘勝直前事不容
緩所需軍火弓箭等項已經福康安先行在藏購
辦解到後尙可敷用至軍餉一項尤爲要需今軍
營並無解到銀兩支用竭蹶所關甚重上年秋間

卽已降旨在川省附近省分撥給銀二百萬兩嗣
又部撥銀一百萬兩續據孫士毅奏報不敷又賞
撥銀二百萬兩前後五百萬兩不爲不多卽後起
所撥銀兩運解需時其前次所撥銀三百萬兩閱
時已久早應陸續運到軍營前據孫士毅奏所有
運送出口軍火餉銀等項俱已掃數趕送前途毫
無停積何以前後藏及軍營並無解到者是孫士

欽定平定回疆方略 卷三十四 四
毅從前奏報情形竟爲站員等所愚並非確實孫
士毅現赴前藏著卽嚴行督察實力催趲務須星
速趕運毋任解員等沿途遲緩致悞軍行要需著
和琳鄂輝於解到前藏時迅速僨運務期早到軍
營以資應用

十五日

壬午

上命軍機大臣傳諭孫士毅曰現在糧餉火藥運送

濡遲總由察木多以西至前藏臺站官員辦理疲
軟一任商卓忒巴等支吾延緩並不實力督飭查
催率以接續運解稟報而孫士毅駐劄省城及打
箭爐一帶相距較遠鞭長莫及以致爲其所愚似
此任意玩延又不據實稟報設法趲催豈不貽誤
要需孫士毅此時自己抵前藏將停積糧餉等項督
率嚴趲迅速運送前途其前此疲軟遲悞之站員

仍著孫士毅於事竣後嚴切查明據實參奏以示懲儆

十七日

甲申

上命軍機大臣傳諭福康安惠齡孫士毅和琳鄂輝曰大兵進剿廓爾喀直趨陽布餉銀固屬緊要而火藥鉛丸弓箭等項尤爲剿殺必須之物雖福康安已於藏內就近購備但爲數究屬有限一經用去

卽日見其少全在源源接濟方可得力孫士毅現
已赴前藏仍當於藏東一路來往督飭臺員速催
嚴辦接續運解以應急需其藏以西則和琳鄂輝
之責計孫士毅此時自己與和琳會晤並著會同
查明將糧餉火藥弓箭等項未經運到前藏者若
干起由後藏運至軍營者若干起詳晰據實速奏
其業經運到後藏者並著和琳鄂輝輪班來往一

體嚴催速解濟隴以外其至軍營則惠齡之責著
趕緊設法保護接運迅抵軍營應用此爲最要

十九日

丙戌

福康安海蘭察惠齡奏言查濟隴西

南山勢愈窄道路愈險兩山之間有藏地流出
大河一道各處溪河皆滙歸下注水勢洶湧通
往賊境之路惟熱索橋爲扼要之地臣等於克
復濟隴後整頓兵力五月十三日起程前進兩

面高山夾峙石崖壁立俯臨大河緣山一線窄
徑亂石崎嶇步步陡折並有大石直礪高至丈
餘者其兩崖高峻不相連屬處所橫架獨木偏
橋攀藤而過幾無置足之地是日正值大雨泥
濘溜滑尤屬難行人馬均有傾跌落崖者道里
甚長名爲七八十里卽有一百三四十里之遙
步行一晝夜於十四日黎明始至擺嗎奈撒地

方距熱索橋尙有十餘里探得該處有大河一道自東來會注正河過河卽係賊境賊匪過河浮搭木板爲橋並於北岸三四里外索喇拉山上砌石卡一處南岸臨河砌大石卡二處據險拒禦_臣等帶領巴圖魯侍衛及索倫屯土兵丁至索喇拉山直前攻撲賊匪抵敵不住棄卡奔逃我兵沿途追剿有逸賊數名甫上熱索橋其

南岸守橋賊匪見官兵追至不及待其過橋倉
猝撤去橋板俱卽落河淹斃我兵一到卽一面
伐木預備搭橋一面施放鎗砲隔河擊賊無如
河面寬濶水深溜急賊匪阻河抗拒鎗聲不斷
而北岸山境極狹竟無多兵駐足之地若徑對
賊卡進攻與賊相持徒費兵力急切不能得手
因將各兵暫撤十五日寅刻派兵仍至河邊作